





**IN SACRA**

**NONNVLLA POMPEIORVM**

**COMMENTARIA DVO**

**RAYMVNDI GVARINI**

Editio altera auctior, atque emendatior.



**NEAPOLI,**

**Apud RAPHAELEM MIRANDA**

---

**1830.**

*Ne libri molem ; potius metire laborem ,  
Qualesque in modico concilientur opes.*

IN SACRA

**NONNVLLA POMPEIORVM.****COMMENTARIVM VI.**

PRAELOQUIVM.



**P**ompeiani marmoris olim siglis quibusdam insolentibus incitatus , iis in enodandis operae pretium non leve statim collocandum duxi. Et quamquam non in omnibus collineasse primo talorum iactu contigerit , quod fieri minime pudet ; in exemplorum tamen generis huius non infrequentia tantum , verum solitudine mera , satis visum eruditis , auctori opus , non auctorem operi defuisse suo. At Musei inter Borbonici amplissimi lapides literatos quadriennium fere detricto, ex-

★

tritoque , eosque non callente oculo , qualis τῶν κριτικωτάτων , sed gerulorum potius manu assidue tractanti , alia porro , atque alia se ultro saxa dedere , partim integra , partim ad calamitatem usque mutila , ac discerpta , iisdem insignita siglis , quae in unum coacta , et iusti voluminis formam impleverunt , et rei totius longe accuratiorem exhibuere notitiam , ut ii norunt, quorum in manus venit Commentarium nostrum VI. typis vulgatum an. 1823.

Hoc in Commentario , praeter alia , statueram , Pompeis quondam cum *Ministris Augusti* fuisse et *Ministros Fortunae Augustae* : sed posteriores hosce tamen prioribus illis institutione paullo suppare. Ad haec : conieci , *Aedem Fortunae Augustae* Pompeis extitisse , oportere , cui peculiares essent addicti Ministri , dicti idcirco *Fortunae Augustae* , quo a *Ministris Augusti* secernerentur ; coniecturaeque fidem fecit eventus. Nam anno insequente de Pompeiorum effossionibus talia prodire monumenta, quae rem omnem, citra spem , non ultra vota , ita confirmarunt, ut ne hiscendi quidem contra locus su-



pereset. Additum propterea Commentarium alterum, ordine VII. anni 1825, quo res universa est cum eruditis communicata, quorum animos novitate anxios, suspensosque praesenseram.

Verum enim vero in duplici hoc Commentario, ut in re tumultuaria, est quod viri sedati desiderent adhuc: est multo magis, quod desiderem ipse. Typorum errata non pauca; nostra multo plura. Quaedam namque in his trepidanter insinuata, quae post perpensa maturius, cum iisque collata, quae deinceps de Pompeiorum rudibus sunt congesta, fidem extorquere videntur vel ab invitis. Temporum supputatio, ordoque interdum praeter, interdum etiam contra *τῆς χρονολογίας ἀκριβειαν*, ex eo. quod titulorum generis huius nec ampla tunc seges, nec tota simul scribenti inter adversa omnia oblata. Haec in duplici illo Commentario incommoda graviora, quibus nunc visum est duplici hoc alio Commentario succidaneo succurrere. Numeri VI. et VII. sarti tecti iisdem reservantur, ne constituta olim his series interrumpatur. Primum itaque erit de

*Ministris Augusti* : alterum de *Ministris Fortunae Augustae*. Utrique haec communia.

1. *Ministri* haud semper de grege *Servorum* , uti hactenus creditum. *Ingenui* quoque haud raro in scenam prodeunt. *Libertorum* numerus multo maior.

2. Initiales D. V. V. A. S. P. PROC. nec ultra Augusti , nec citra Tiberii tempora in Pompeianorum titulis, quos nōscere hactenus datum est , occurrunt.

3. Initiales easdem sic interpretamur : *Duumviri votis Augusto susceptis publice procurandis*, Cur , inquires , non *vota* magis *Augusto sacra* ? Sic ante visum. In aliud nunc animus inclinat. *Vota* namque , utpote unius Dei propria , *sacra* omnia. Otiose igitur τὸ *sacrum* adderetur *voto* , in formula praesertim , quam brevitatis studiosissimam esse , oportet. Cumque initiales hae Pompeiorum ἰδιωτικαὶ sint , si *Pompeios* latitasse in penultima P. velis, ultro tibi socia arma feram. Haec ad promulsidem satis. Caetera loco , et tempore quaeque suo apponentur. In titulis proferendis , ubi de illorum aetate certo , vel fere constet , ad laevam annus V.



C. adnotabitur , ad dextram annus Aer. Vulg.

§. I.

*Ministrorum Augusti prima institutio , conditio , ac dignitas. Initiales cur ita redditae , ut factum est , explanatur.*

A fragmento exordimur. Utrum auspicato , viri docti iudicent :

I.

. . . . .

. . . . .

. . . . .

*Imp. CAESARE*

AVG. V. . M. Silano. Cos.

V.C. 729.

*Ante A. V. 25.*

D. D.

. . . . .

. . . . .

Nullus dubito , quin τα *Aug. V. . . .* referenda sint ad nonum, vel octavum Octavii Consulatum. Nota enim V. ultra progredi non sinit , nec citra , cum *Augusti* cognomen inditum Octavio fuerit an. V. C. 727 Si igitur *Min. Aug.* in lineis superioribus , quae desunt , fuerant recensì , facile *Preimi*

dicti hoc anno , vel proxime antecedente. Quod si verum sit , Pompeiani cum primis sine dubio de Augusti cultu certarunt. Pompeiorum profecto cura in Augusti cultum intenta adeo fuit , ut ex iis, qui primores erant, *servos* illius *ministerio* certatim addixerint ; qui humiliores , qua *Liberti* , qua *Ingenui* , ipsimet sponte eidem se *ministerio* manciparint , uti ex Pompeianis titulis evidentissime patet. Sequitur marmor plane singulare , et consideratione haud perfunctoria dignum.

2.

P. STATILIVS. AGATHO

MINISTER. D. D

IMP. CAESARE. IV

V. C. 729. M. SILANO COS. *Ant. A. V. 25*

NOVATVM. P. ALFENO

V. C. 755. P. VINICIO. COS *A. V. 2.*

IVSSV

M. POMPONI. MARCELLI

L. VALERI. FLACCI. D. V. I. D

. . LVCRETI. . . L. ORFI. L. F

Bene res habet. Nam ecce tibi de grege Ministrorum P. Statilius Agatho , Libertinus homo sine dubio ; et hic quidem *Minister* , non tamen *Augusti*. Versus ultimus in litu-

ra est inferne , ita tamen ut aciem acrius intendenti conspicua sit vox *Lucreti*. Ad an. V. C. 785. obviam se dabit *M.* quidam *Lucretius Manlianus*, idemque D. V. I. D., et ad an. 787. *M. Lucretius* idem, sed *Praefectus* I. D. cum *D. Lucretio* D. V. V. A. S. P. P. quos *Lucretii* huius filios, aut nepotes fuisse , aequum est cogitare. De Gente *Orfia* vide Gruterum (a). Sed haec leviora. Graviora modo urgent.

Quid *novatum* ad annum 755. ? *Sacrum* puta. Atqui , si *novatum* , ergo *institutum* antea. Ne dubites ; idque factum tene iam ab anno 729. Eodemne lapide , iure sciscitaberis , sine ullo characterum discrimine, et sacri *institutio* celebrata ad an. 729 ; et sacri eiusdem *novatio* post annum sextum supra vicesimum ? His adde , quod pro primi sacri institutione cietur P. Statilius Agatho , quem aegre traxeris ad *sacri novationem*. Nodo huic solvendo haec aptior mihi via videtur. Duos in unum coisse titulos , quorum



(a) Pag. 1006. n. 4.

primus decucurrit seorsum insculptus per integros quatuor versus priores. *Novato* deinde sacro post annos viginti sex, ut *institutionis*, et *novationis* in unum memoria perennaret, descriptae e vetustiori lapide quatuor lineae priores in titulum unum, continuumque coagmentatae sunt ad an. 755. Quid sit *novare sacra*, loco opportuniore infra discutietur. Nunc cui *sacrum* hoc et *institutum*, et *novatum* fuerit, coniectura saltem assequi conabimur.

Debellato Antonio, omnium celeberrimus triumphus Actiacus. Inde Octavio *Augusti* nomen decretum, Senatus sententia, anno V. C. 727. Octavius, compositis Aegypti rebus, Romam rediit anno 729; quo ipso anno putarim, abs Pompeianis *institutum*, celebratumque hoc ei *sacrum*, quod deinde *novatum* ad annum 755. Sed iam triennio ante ad minus, nempe 752. processerant Pompeis *Ministri Augusti*, de quibus altum in marmore nostro silentium. Res itaque acta in Augusti obsequium, sed per alios a *Ministris Augusti*.

*Ministros* inter *Augusti* Pompeianos raro

obviant homines ingenui , quos primum est coniecere , libere omnino se huic ministerio mancipasse. Eademque de Libertis conjectura esto ; qui longe plures numero occurrunt. Quorum fortasse non pauci , servitute depulsa , in ministerio libere perseverarunt , cui olim sub dominis necessitate fuerant obstricti. Ministrorum autem de grege servili seges multo longe uberior , de quibus hoc adnotatu dignum. Nulli fere inter hos *Servi publici* : *privati* omnes , si unum , vel duos excipias , quorum incerta conditio , ut ex adiectis Dominorum nominibus manifestissime patet. Ex quo illud etiam colligi datur , nullos extitisse Pompeis primores , qui *Ministris Augusti* caruerint. Quod minime mirandum videri debet. Nam postquam Augusto decreti a Tiberio fuere et Augustales , et ludi Augustales , templaque , religionesque propriae ; *cultores Augusti per omnes domos in modum Collegiorum* habebantur ; tantaque sanctimonia , ut eodem Tacito <sup>1</sup>referente (a) , crimini olim

---

(a) Annal. Lib. 1.

Falatio datum , quod inter *cultores* Augusti *privatos* Cassium quemdam minum , corpore infamem , adscivisset. Pompeianorum interim civium , quorum servi cientur *Ministri Augusti* , ecce tibi , quae nunc supersunt , nomina :

<i>Allei</i>	<i>Holconii</i>	<i>Piricatii</i>
<i>Arellii</i>	<i>Istacidii</i>	<i>Popidii</i>
<i>Arrii</i>	<i>Lacutulanii</i>	<i>Salarii</i>
<i>Arruntii</i>	<i>Lollii</i>	<i>Sittii</i>
<i>Caecilii</i>	<i>Melissaei</i>	<i>Sornii</i>
<i>Caesii</i>	<i>Mescinii</i>	<i>Stronii</i>
<i>Caprasii</i>	<i>Messii</i>	<i>Veii</i>
<i>Ceii</i>	<i>Naevii</i>	<i>Vettii</i>
<i>Decidii</i>	<i>Numisii</i>	<i>Volusii</i>
<i>Helvii</i>	<i>Ollii</i>	
<i>Herennii</i>	<i>Oppii</i>	

Neque id mirum Pompeis praecipue, ubi *Pagus Felix Augusti* ipsius nomine insignis.

Sed iam ad Ministrorum Augusti institutionem propius accedamus.

Hos certo certius constat, extitisse Pom-



peis an. V. C. 752; adeoque biennio ante Aeram nostram. Sed illorum institutionem id temporis praevertisse aliquantisper, vix dubitandum. Cum enim *Ministri* Fortunae Augustae dicantur *primi* in titulis, cum primum eos institui Pompeis contigerit, deinde sine additamento alio *Ministri Fortunae Augustae* nuncupentur; cur non idem factum putabimus pro *Ministris Augusti*? Lapis ergo, quo *Ministri primi* salutati fuere, periit, aut delitescit adhuc: pars dumtaxat illorum, in quibus *Ministri Augusti ἀπλως* appellantur, ad nos pervenit. Quod si de *A. Clodio Flacco* loquitur Fragmentum, quod heic referam, coniecturae nostrae non leve accedet auctoritatis pondus:

2.

. . . . .

. . . . .

*JusSV*

. . LI. CELERIS

*A. Clodi.* FLACCI

. . . . . IO. COS

Dolendum , bigae consularis vix duos , eosque postremos, superesse characteres , quae si integra legeretur , tenebrae omnes difflatae illico forent. At si nomén *A. Clodii Flacci* recte est restitutum , est quo malo huic saltem ex parte occurramus. Quandoquidem *A. hic Clodius Flaccus* tertium D. V. I. D. procedit cum *Holconio Rufo* ad an. V. C. 752; uti ex titulo insequente. Bini ergo praecesserant Clodii Flacci Duumviratus. Fac, sine intermissione continuatos illi omnes obvenisse. Ergo primus Flacci IIviratus referendus ad an. 750. Flaccus interim in fragmento nulla se' conspicuum praebet Duoviratus nota , quae aut nulla extitit , aut per fracturam deleta , quod posterius putarim probabilius. Si nulla fuit: privati hominis limites nondum excesserat. Fragmentum idcirco ultra an. 750. excurrit. Si per fracturam abolita nota Duumvralis ; fragmenti aetas incidit in annum 750 , aut 751. Sed nolo incertis insistere diutius.

## 3.

A. VEIVS. PHYLAX  
 M. POPIDIVS. MOSCHVS  
 T. MESCINIVS. AMPHIO.  
 PRIMVS. ARRVNTI. M. S  
 MIN. AVG. EX. D. D. IVSSV  
 M. HOLCONI RVFI. IV  
 A. CLODI. FLACCI. V  
 D. V. I. D  
 P. CAESETI. POSTVMI  
 N. TINTIRI. RVFI  
 D. V. V. A. S. P. P .  
 C. *cae*SARE. XIII.

COS

V.C.752. M. PLAVTIO. SYLVANO A. V. 2.

*Tintiria* gens nunc mihi primo obvia est. Holconius , quo tempore D. V. quartum agebat, *Augusti* Sacerdotio fungebatur. Do tibi testem sine calumnia testabilem :

M. HOLCONIO RVFO. D. V. I. D.

III. QVINQ.

TRIB. MIL. A. POPVLO AVGVSTI

SACERDOTI. EX. D. D.

Accipe nunc de *Sacerdote* Augusti vi-  
ventis *Flaminem* creatum :

M. HOLCONIO V. F. RVFO.

D. V. I. D. QVINQVIENS

ITER. QVINQ. TRIB. MIL. A. P

FLAMINI AVG. PATR. COL. D. D

Optas adhuc Pompeis Sacerdotes Augusti  
inter vivos agentis? Praesto erunt tibi de *Gente*  
eadem , cui *Celeris* cognomentum :

M. HOLCONIO. CELERI

D. V. I. D. QVINQ. DESIGNATO

AVGVSTI. SACERDOTI

to *designato* ad *Quinq.* potius traxerim,  
quam ad *Sacerdotium Augustaeum* Nam et  
quintum Duumvir hic processit :

*M. Holconio. CELERI*

SACERDOTI. DIVI *Aug.*

IVIR. I. D. QVINQ

Ad haec :

M. HOLCONIO. M. F. *Celeri*

SACERDOTI. DIVI. AVG.

Augustus ergo adhuc vivens *Divi* potiebatur cognomine , quod notatu dignissimum. Quippe Tacitus Annal. XV. cum Cerialis Anicius , Consul designatus , pro sententia dixisset: *ut templum DIVO NERONI quam maturrimè publica pecunia poneretur* ; addit : *quod ad omina olim sui exitus verteretur , nam Deum honor Principi non ante habetur , quam agere inter homines desierit*. Quae Taciti verba non utique de divinis honoribus Principi habitis accipienda utique sunt , sed de DIVI nomine , quod nonnisi mortuis tribuebatur. Nam idem alibi de divinis honoribus Augusto viventi habitis affatim memoravit. Redeo ad M. Holconium Rufum V. Duumvirum I. D. qui honos si ei continuatus obvenit , ut valde probabile , incidit in an. V. C. 753. Nec mirum. In Municipiis quippe , Coloniisve non ea virorum illustrium seges , quae Romae , in qua Consules , Imperatoribus exceptis , raro iterati , multo minus continuati. Holconiorum praeterea praeclara in Pompeianos colonos merita , horumque in eos favor promptissimus , quorum et Holconius patronatum agebat. De *Tribu Oufentina*

possis accipere initiales V. F. Sed forte et pro *Q. Filio* : nec te exempla deficient (a) praenominis *Quinti* per initialem V. designati. Notandum praeterea. Holconium *Augusti* adhuc viventis *Flaminio* decoratum. Ad marmor nunc nostrum praecipuum redeo, de quo hoc unum. Octavii consulatus tertius supra decimum consi- gnatur ad an. V. C. 752 ; quo suis defungi muneribus monemur tum *Ministros Augusti* , tum II VIR. V. A. S. P. P.

Augusto adhuc inter mortales agenti tem- pla , sacerdotia, ministeria fuisse addicta (b), et saepius innuimus , et ignorare nemo unus potest. Notissimum vel puerulis Virgilii illud (c): *Hic illum vidi iuvenem , Meliboee , quotannis Bissenos cui nostra dies altaria fumant.*

Plenius hoc Horatii (d) :  
*Praesenti tibi maturos largimur honores ,*  
*Jurandasque tuum per nomen ponimus aras.*

---

(a) Gruter. pag. 729. n. 2.

(b) Annal. L. I.

(c) Ecl. I.

(d) Ep. I. Lib. II.



Idque adeo verum, ut mortuo, cum de funebribus ageretur, obiectum a quibusdam sit: *nihil Deorum honoribus relictum, cum se templis, et effigie numinum per Flamines, et Sacerdotes coli vellet* (a). Qui vivo fuerant attributi divini honores, et defuncto aucti summo studio, ac religione Tiberii, in quam rem non omittendus locus Taciti (b) alius insignis: *sepultura more perfecta, templum, et caelestes religiones decernuntur*, per Tiberium intellige. Sed Tiberio e vivis sublato, *Ministri quidem Fortunae Augustae* in Pompeianis lapidibus obviant, semel ad an. V. C. 797; iterum ad annum insequentem 798. denique ad annum 814. aeraeque vulgaris unum supra sexagesimum. At de *Ministris Augusti*, itemque *Ōviris V. A. S. P. P.* nulla usquam iniecta amplius mentio. Unde hoc discrimen arcessas? Tiberium consecuti Principes, maioribus neglectis, divina, humanaque omnia ad semet invidiose trahere conabantur,

---

(a) Tacit. loc. cit.

(b) Ibid.

vix , aut ne vix quidem sustinente Caligula , sibi aequari Iovem. *Ministros* hinc *Fortunae Augustae* facile tolerabant , quod *Fortuna Augusta* de Augustis pro tempore intelligi recte poterat. *Ministrorum* ex adverso *Augusti* cum D. V. V. A. S. P. P. refricari sine periculo memoria nequibat , quod utrique *Augustum* , eundemque *Deum* , unice , et sine nucleo , ut ita dicam , attinerent. Ex quibus, nisi fallor , initialium Pompeianarum et genuinam explicationem , et confirmationem opportunam , minime cerebrosam , habes : nec haesitabis porro , quin sub quarta initiali A *Augustum* ipsum olfacias. Munera demum tum *Ministrorum* huiusmodi , cum *IIvir. votiva* haec *sacra procurantium* , nullus dubito , quin *sacris* omnino , non *civilibus* , multo ante tute ipse accensueris.

## § II.

*Ministros haud perpetuo servilis extitisse conditionis , uberius demonstratur.*

Qui *sacris* ministrabant , οἱ γενναῖοι ministri dicebantur , *Popaeque* adeo , *Molarii* , *Victimarum* , *Turarii* , *Tubicines*. *Tubicines* , *Unguentarii* , caeterique generis eiusdem , uno *Ministrorum* nomine comprehendebantur. Ministrorum itaque munus penitus servile. Quod verissimum quidem de natura ipsa muneris , sive officii , non item de Ministri conditione , quam liberam non raro fuisse , satis ex superioribus patet. Fabrettio tamen (a) , Hagenbuchio (b) , et Marinio (c) nuper , aliter visum est , qui Ministros contendunt numquam ultra servilem nexum adsurrexisse. Quamobrem et nobis visum est , hac de re adhuc ampliandum nonnihil.

---

(a) Pag. 464. 6.

(b) Epist: epigraph. p. 202.

(c) Oss. T. XXXII p. 416 , not. 324.

Fabrettius itaque , qui opinionem hanc mordicus more suo tuetur , unico eam suffulcit lapide Gruteriano (a), in quo post sena *Magistrorum* nomina , *Ministri* quatuor enumerantur , *servi* ad unum omnes. Atqui si mos iste paullum invalescat ex uno , alterove exemplo canones sancienti generales , verendum , ut hi in re epigraphica brevi sint numero exaequaturi res ipsas , de quibus , illorum ope , compendio nos moneri oportuerat. Caeterum cum in his essent viri hi summi , eos latuisse necesse est titulum Reinesianum disertissimum (b) , quo *Ministri* duo cientur , iidemque *Preimi* , plane *ingenui* ambo. Ecce illum tibi :

---

(a) Pag. 189 n. 1.

(b) Clas. Quint. LI.

P. ROSCILIVS. P. F  
 CL. PRISCVS  
 Q. ROSCILIVS. M. F.  
 CL. SABINVS  
 MINIST. PREIMI .  
 M. ROSCILIVS. C. F  
 LATINVS  
 T. ROSCILIVS. C. F  
 APER  
 L. ROSCILIVS. L. F  
 SEX. Roscilius  
 CL. N . . .  
 P. Roscilius  
 CL. . . . .

Suppetebat et lapis alius , quem Spon-  
 nius (a) producit , Romae effossus *in monte*  
*Aventino , qua parte eam regionem urbis re-*  
*spicit , quae Piscina publica dicebatur , circa*

---

(a) Pag. 23. et seq.

*Domos Parthorum* ; in quo de homine ingenuo ministris inserto aperta mentio est :

M. AVRELIO. COMMODO. ET. QVINTILIO. COS  
XVI. KAL. FEBR. FONTINALIA. FECERVNT  
A. SEPTIMIVS. VALIDVS. AVGV. ET. FLAMEN. DIALIS  
T. FERVIVS. T. F. SILVANVS. MINISTER. FONT. LOLLIANI  
Q. PROCILIVS. SEX. F. SEVERIANVS. MAGISTER

Titulum hunc Sponianum allegat Cl. Marinius. *Ferviumque Silvanum* hominem ingenuum fatetur ingenue. Sed titulum tamen omnem ad Ligorianas tabernas parum comiter ablegat. Adeo in summis quoque viris praeconceptae olim animo opiniones possunt? Verum ecquo tandem lapidis vitio? triplici nimirum. ait ille, accusatione per digitos, Hortensiano more. ducta. Age, audiamus. Nec enim fas. in re capitali, uno accusatoris verbo, reum damnari.

1. Fontinalia, inquit Marinius, die Octobris XIII. agi consuevisse, Kalendaria clamant. At in titulo Sponiano ciatur ad id dies XVI. Kal. Februar.



2. Quid *Fontinalibus* commune cum *Flamine Diali*?

3. *Magistrum* cieri oportebat ante *Ministrum*, quod secus factum.

Sed marmori Sponiano fides constat e Pompeianis nostris, quae nullo liceat ariete movere de loco, ne dicam, infringere. Nec prodigii instar erunt ministri non libertinae dumtaxat, sed ingenuae etiam conditionis, iis, quibus perspectum, Arvalium pueros matrimos, patrimosque, de nobilissimis familiis non modo lectos, verum selectos omnino antiquitus fuisse. *Fontinalia*, concedimus, Romae agi consuevisse ad diem XIII. Octobris. At unde rescitum Marinio. Sponianam inscriptionem ad ritum Kalendarii romani decurrere? fortassis referenda ad Municipale quodpiam Kalendarium. At versemur etiam in romano Kalendario. Quatenam in hoc *Fontinalia* ad diem XIII. Octobris consignantur? *stata* nimirum, et *publica*, cum Sponiana interim et *extra ordinem*, et *privata* esse potuerint, ut *Pons Lollianus* ibi memoratus innuere videtur.

Adeone porro incredibile, Flaminem Dialectem, aquae penuria laborantem, privatum curas-

se Fontinale sacrum cum Fontinalium Magistro, ac Ministro? *Ministrum*, reponit, cieri oportuisset post *Magistrum*. Qua in tabula, rogo, aenea, aut lapidea lex huiusmodi sancita? in titulis Pompeianis *Ministri* perpetuo omnes antistant, etiam D. V. I. D. Ne plura. Mariniani scrupuli inde profecti sine dubio, quod animo alte olim insederat, *Ministros* conditionem servorum numquam potuisse transcendere. Quod praeiudicium si licuisset per occasionem exuere, abstinuisset vir cum paucis comparandus, ut nodum in scirpo, sic cavil-landi ansam quaerere in marmore Sponiano.

Verum quidquid denique sit de Sponiano epigrammate, opinionem certe Marinii convellunt radicitus Pompeiani lapides adhuc prolati, longeque plures ex ordine proferendi, in quibus *Ministrorum* gregi passim cum *Servis* immixtos videas trinomios homines, qua *Libertos*, qua *Ingenuos*. Et sit quidem *Ministrorum*, ut hi putant, servile munus: sed non adeo tamen, ut persuasum ipsis est, humile, ac neglectum, in re praesertim *sacra*. Esto et in hac quoque contemptissimum. Sed quia lege vetitum, sua utentem, fruentem-

que libertate minus liberali se mancipare ministerio , sive id libido suadeat , sive egestas , omnium magistra potentissima , extorqueat ? Qui infra sunt constituti , altiora ne adfectanto , quae procerum in re publica sunt : at qui aliis eminent , liberum esto , ad hos se demittere , si placeat.

Sane in titulo 3. §. proxime antecedentis quatuor occurrunt Ministri , quorum tres priores libertini generis , nempe : 1. *A. Veius Phylax*. 2. *M. Popidius Moschus* , 3. *T. Mescinius Amphio*. Nam quartus , qui *Primus Arruntii* appellatur , sine cunctatione *Servus*. Falsa tamen , quam olim huius rei , attulimus , ratio. Initiales enim *M. S.* nec *Magistri* , nec *Maioris servum* insinuant , sed *Monaulon* , aut *Molarium Sacrorum*. De *A. Veio Phylace* haec nunc addenda . quae loco suo onissa sunt per incogitantiam. Hunc igitur *A. Veium Phylacem* , qui caeteris praedit Ministris , Libertini generis habeo , et *Phylacis* filium , qui libertatem fuerit assecutus ab *A. Veio. M. F.* ; de quo sic habet titulus hic alter Pompeianus :

A. VEIO. M. F. II VIR  
 ITER. QVINQ. TRIB  
 MILIT. AB. POPVL. EX. D. D

De *Minisiris Augusti* pauca adhuc , ut non sine gratia denique dimittantur. Hi omnino ita Augustum attinebant Pompeis , ut Larino *Martiales*, in Sicilia *Veneri* , quorum hi Veneri , illi Marti consecrati erant. Praestat , rem omnem a Tullio (a) discere : *Martiales quidem Larini appellantur Ministri publici Martis , atque ei Deo veteribus institutis , religionibusque Larinatum consecrati , quorum cum satis magnus numerus esset , cumque item ut in Sicilia permulti Veneri sunt , sic illi Larini in Martis familia numerantur.* Tullio igitur teste , hi Ministri omnes erant et consecrati , et de eius *Dei familia* , cui inserviebant. Tales itaque habeto in omnibus Ministros hosce Augusti Pompeianos , qui Deo Augusto fuerant consecrati , et de eiusdem Augusti *familia* erant, cui

— —

(a) In Orat. pro Cluent.

tamulabantur in Pompeiorum sacris. Quos *Augusti Ministros*, non *Augustales*, ut *Martiales*, *Venereique*, ideo nuncupatos, arbitrator, ne cum *Augustalibus* confunderentur. Porro ex his, qui *servi*. etsi non *publici*, sed privatorum hominum essent, publico nihilominus fungebantur ministerio in Augusti sacris, quae publica peragebantur auctoritate, Decurionum nempe decreto, iussuque *Ōvirum* I. D. et V. A. S. P. P. Scio, nonnullos parum magnifice de Ministrorum huiusmodi dignitate sentire. Sed mihi certum, eos ideo falli, quod de Ethnicorum sacris decernere amant e nostris. Nostra quippe sacra, immo verius unum omnium sacrum sanctissimum, verbo, factoque Pontificis unice constat: ministrorum opera illud veluti de longinquo respicit magis, quam attingit. Contra in Ethnicorum sacris, totius superstitionis refertissimis, Pontificum quidem pars praestantissima; sed ministrorum opera praecipua, facile etiam splendidior fuit.

Nec minus disertum pro Ministrorum Augusti conditione testimonium dicit marmor hoc alterum, nuper Pompeis effossum, quod

biennio consequitur recitatum antea de Aulo Veio Phylace. Consules quippe prae se fert Caium Julium Caesarem Vipsanianum, Augusti ex adoptione Filium, et L. Paullum Aemilium. Gens praeterea in eo *Obellia* cum *Perennia* obviat, quarum utramque videris apud Gruterum (a). Sed posterior *Perenna* ab hoc dicta, quam puto recudendam in *Perenniam*. M. Pomponius Marcellus cum L. Valerio Flacco hoc anno pro vice prima D. V. I. D. renuntiatus, qui deinde confirmati ambo ad an. 755. ut in §. 1. n. 1., quo tamen loco omissa penitus iterati pro utroque Duoviratus nota. Marmor itaque eiusmodi est :

---

(a) Pag. 948. n. 6. et p. 953. n. 11.



## I.

L. CAECILIVS. FELIX

Q. LOLLIVS. FELIX

Q. ARRIVS. HIERONI

MINIST. AVGVST

EX. D. D. IVSSV

M. POMPONI. MARCELLI

VALERI. FLACCI

D. V. I. D

A. PERENNI. MERVLINI

L. OBELLI. LVCRETIANI

D. V. V. A. S. P. P

V.C.754. C. CAESARE.L.PAVLLO A. V.an.1.

COS

Multi in uno Pompeiorum Oppido Marcelli *cognomines*. Nulli *gentis* ejusdem. Risum propteréa mihi olim movit vir eruditus, qui *Eprium* idcirco *Marcelli* cognomen adfectasse contendit, idque Claudio imperante, ut Claudianam se subolem vulgo iactaret, quique in ipsum inciderent, meminissent illud :

*Tu Marcellus eris.*

Atqui si hoc *Eprio* propositum , non *E-*  
*prium* , sed *Claudium* se praeferre , oportuerat.

### §. III.

*Quinam votiva Augusto sacra procuraverint ,  
et quid revera fuerit novare sacra.*

Bene habet : nam triennium adhuc , sine interruptione , τῆς χρονολογίας filo ducimur. Titulus quippe , quem mox daturi sumus , ad annum pertinet 756. Duumviri , qui iterato Pomponii cum Valerio Duumviratui succedere , M. Numistrius Fronto , et Q. Cotrius. Sed nullo horum *iussu sacrum* peragitur. Unius igitur notae municipalis chronologicae vice fungi videntur in epigrammate. Nullum praeterea decretum Decurionum Nulliad haec D. V. V. A. S. P. P. *Sacrum* idcirco , etsi Augusto factum , ut eius Ministri clamant , non *publicum* , sed *privatum* dixerim. Ministri quatuor. Primi tres *Mes-*

*sius* , *Arrius* , *Silenus*. Quartus , *Marcorum* duorum *Libertus* , *M. Decidius Faustus* , qui et *Unguentarius* , quod intellige de *unguentis* ad sacra pertinentibus. Unde discimus , sacrorum Ministris addendos et *Unguentarios*. Duumviros anni 755. aer. vulg. 2. vid. n. 1. §. 1. Marmor post haec referendum.

I.

MESSIVS. ARRIVS

SILENVS

M. DECIDIUS. M. M. L

FAVSTVS. VNG

MIN. AVGVSTI

M. NVMISTRIO. FRONTONE

Q. COTRIO. Q. F. D. V. I. D.

V.C. 756. M. SERVILIO. L. AELIO A. V. 3.

LAMIA. COS

*Privatum* item existimo aliud sacrum hocce , etsi Decurionum suffultum decreto , a quibus veniam postulaverint P. Vettius Celer , et D. Alfidius , privati homines. Duo

Ministri , servi ambo , 1. *Narcissus Popidii Moschi*. 2. *Nymphodotus Caprasii Iucundi*.  
Nulla nec Consularis , neque Duoviralis nota , unde incertae aetatis lapidibus eiusdem generis accensendum. Illud tale est :

2.

NARCISSVS. POPIDI  
MOSCHI  
NYMPHODOTVS. CAPRAS  
IVCVNDI  
MIN. AVG. D. D. IVSSV  
P. VETTI. CELERIS. D. ALFIDI

Nec turbare debent *privatorum* haec *sacra publica* Pompeis. Placendi siquidem studium sive Augusto vivo , sive Tiberio , commune sine dubio Oppido cum Oppidanis fuit.

Qui *votiva* haec *sacra* curabant , ïivir. V. A. S. P. P. perpetuo salutantur. Suspicio olim incesserat virum gravissimum , Duumviros eiusmodi fuisse Quinquennales , tertia nempe initiali V. accepta pro *Quinquennale*. Sed labilem omnino opinionem evincunt. 1.

defectus exemplorum , quibus foret conficiendum , *Quinquennales* per V. simplicem designatos , quos ex adverso compertum est , denuntiari interdum per *Quinq* ; aut *Quinquen* ; interdum per Q. Q ; semel apud Oliverium (a) per QQV. 2. Munia Quinquennalium *civilia* , non *sacra* , qualia sine contentione , quae per Duumviros Pompeianos exercebantur in *re votiva* , penitusque *sacra*. 3. tempus ipsum Quinquennalitati praefixum , quae etsi iurisdictione intra unius annui census ambitum conclusa , dignitate nihilominus ad quinquennium perdurabat (b). At in sacris Pompeianis ab anno aerae vulgaris vicesimo tertio ad quartum usque supra tricesimum , decursu scilicet annorum undecim , quinae occurrunt Duumvirum nostrorum bigae , cum vix secundae locus superfuisset , si cum Quinquennalibus negotium fuerat transigendum. Atque hi sine cunctatione videntur votorum huiusmodi procuratores extitisse *ordinarii* .

---

(a) Marm. Pisaur. not. XXVIII. p. 84.

(b) Not. XXVII. p. 70.

septenario siglarum apparatu insignes. Qui *extra ordinem*, rarissimique ad munus idem acciti, hi quinario, non septenario initia-  
 lium numero, notabantur, cuius rei vix tri-  
 plex offendimus exemplum, alterum pro C.  
*Vergilio Salinatore*, et Cn. *Lucretio Decen-*  
*te*, privatis omnino hominibus; reliqua in  
 parietinis scripturis pro Aedilibus C. *Mario*  
 cum M. *Epidio*; et A. *Suellio Vero*, quae  
 locis suis post proferentur.

Annus V. C. 757. insignis iterato M.  
 Staii Rufi cum Cn. Melissaeco Apro, Duum-  
 viratu. At annus 756 suos protulit D. V.  
 I. D., ut in titulo 1. huius §. Facile igitur  
 prior Duumviratus obtigit Staio, et Melissaeco  
 anno 753., nam qui inter hos mediant,  
 pleni suis quisque D. V. I. D. Pro Ïiviris  
 ergo anni supra memorati duplex obviat ti-  
 tulus Pompeianus, quorum hic prior:

## 3.

V. C. 757. CN. MELISSAEO. CN. F. APRO A. V. 4.  
 M. STAIO. M. F. RVFO. D. V. I. D. ITER  
 ID. LABRVM. EX. D. D. EX. P. P. F. C  
 CONSTAT. HS. DCCL.

Ad τὴν περιφερειαν Labri sane elegantissimi marmorei Calidarii Pompeiani , cuius diameter excurrit per palmos novem , cum tubo ad centrum aeneo , literis item aeneis , auro inducto , exculptis. Cumque constet , *Labrum* hoc *pecunia publica fieri curatum* , palam est , Ìvirum nomina solius notae chronologicae municipalis vim obtinere , ut desinat vir magni nominis Maffei , notas eiusmodi chronologicas sacrilegii loco habere , laesaeque romanae maiestatis exemplum minime imitabile. Titulus autem alter sic habet:

4.

V. C. 757.    *Sex. AeLIO*                      A. V. 4.

COS

C. SENTIO

M. STAI. RVFI

CN. MELISSAEI. APRI

D. V. I. D. ITER

NOVATVM.

Cur , qui M. Staio ante praefulserat ,  
Cn. Melissaëus , nunc M. eundem Staium

pone sequitur? Non semel id factum in Pompeianis titulis, heic satis esto adnotasse; factumque tene, non tantum τῆς οἰκονομίας ἐνεκα, sed ea etiam de causa, quod cum alternis ius *dicerent*, ei prior locus relinquebatur, quem penes ius erat in rem publicam. *Sacrum* sine dubio *novatum* per M. Staium, et Cn. Melissaeum. Sed quale? Anne illud idem, de quo ad annum 755. Alfenio, et Vinicio Cos.? Consule §, 1. n. 1. De Gente nunc Melissaea pauca. Deinde de *sacrorum novatione* prolixior oratio. De ipso Melissaeo Apro extat titulus alius Pompeianus.

CN. MELISSAEVS

APER

De eiusdem Liberta hic :

MELISSAEA

CN. L. ASIA

De Libertae fortasse filia hic alter :

MELISSAEA. SP. F

ASIATICE. VIX

ANNIS. XVIII.

De *Melissaeae* denique *Amyces Imone*



quam feminarum dictum *Genium* , nemo ignorat :

MELISSAEAE

AMYCES

IVNONI

Quid nunc sit *novare sacra* , accuratius expendendum : nam quae mihi hactenus de formulae huius potestate legere sortito obtigit, haec salivam cient , stomacho non faciunt satis.

*Novare sacra* , seu *renovare* , quibusdam videtur idem esse , ac *commovere* , immo etiam et *instituere sacra*. Mihi autem , quod dicunt hi , idem videtur esse , ac caelum mare miscere. *Novare* siquidem , sive *renovare sacra* , iterationem importat *sacri* semel *instituti*. Semel quippe *instituimus* : at rem semel institutam , pro arbitrio , aut necessitate , quoties , quodove visum , *renovamus*. Ex quo mirari subit , potuisse hoc Guthe-rio (a) in mentem venire , ut *novare sacra*

---

(a) De Vel. iur. Pont. p. 367.

sit *commovere sacra* , et quod festivius , ut *commotio sacrorum* in idem recidat cum *institutione sacrorum*. Scribit enim sic : *commovere sacra est institutio quaedam , quia certis et sollemnibus precationibus Dei consulebantur , aut placabantur.*

*Institutionem* ergo *sacrorum* hanc animo teneamus , qua *precationes certae , sollemnesque , tempore , libituve repetendae , primitus statuntur ad Deos consulendos , placandosve , aut utrumque simul.* At *novantur sacra* , sive *renovantur*, cum ritibus iisdem, sollemniisque semel constitutae *precationes* iterantur. Quid nunc , inquires , *commovere sacra* , quandoquidem *commotio* haec alia ab *institutione* , et *novatione sacrorum* ?

Refer ad utramque , uti partem ad totum integrandum. Quandoquidem inter alia ad Deos conciliandos sancita , *commotioni* quoque *sacrorum* locus erat. Quae iterum *commotio a sacrorum gestatione* sedulo distinguenda, quae Iunonis praecipue , Cererisque festis celebratissima , unde illud : *Iunon's sacra ferre.* *Gestari* autem *ferrive sacra* dicebantur , cum Deorum simulacra, vel Dearum , aut ipsorum

*mensulae*, aliudve simile, efferebantur, ut in nostris, quas vulgo dicimus, *processionibus*. *Commotioni*, et *gestationi* sacrorum communis est *delatio sacrorum de loco in locum*, qua sine intelligi neutra potest. Rectissime idcirco Turnebus, Servium secutus, ponit *commotionem sacrorum in delatione quadam sacrorum de loco in locum*. Et *quadam*, ait, non *quavis*, ut intelligatur, interesse nonnihil *commotionem* inter, ac *gestationem*. Malo prorsus consilio *delationem* hanc missam fecit Gutherius, *commotionemque cum institutione sacrorum* confudit. De qua *delatione* moneri poterat ab ipso *commotionis* nomine, quae rem insinuat de loco in locum delatam. Et sane tolle de sacris *delationem* hanc in *commotione* sacrorum, quid facies Virgiliano huic :

. . . . *Qualis commotis excita sacris  
Thyas?*

Ecquid Horatiano huic :

. . . . *Non ego te, candide Bassarev,  
Invitum quatiā?*

Et ne in recula hac iactemur diutius,  
Ammianum Marcellinum audiamus (a) : *con-*

---

(a) Lib. XXIX.

*struximus , ad Cortinae similitudinem Delphicae , mensulam , ac consecratam movimus tandem. Iam mensulae commotionem audivimus. Quid nunc haec eadem commotio fuerit , eodem auctore discamus. Movendi autem , quoties super rebus arcanis consulebatur , erat institutio talis: collocabatur (mensula) in medio domus emaculatae odoribus. Hactenus Ammianus , a quo enucleatissime docemur , movere verbum esse sacrum , et tum demum sacra dicta commoveri , cum de loco , in quo ante asservabantur , alio in loco collocabantur Domus eiusdem , qui medius signate erat ; neque id sine suffimentorum suave olentium munere , ubi conspicua magis , atque obvia cultoribus patebant. Adverte hic Unguentariorum in re sacra operam , de qua supra delibatum est nonnihil. Gestatio itaque sacrorum , quae non erat sine commotione , quam nos vulgo dicimus esporre , per vias publicas fiebat , cuius illustre extat exemplum apud Macrobiū (a) ex Verrio Flacco recitatum. Praeludebat vero novationi*

---

(a) Saturn. Lib. I.

*sacrorum commotio*, ut ex Appuleio discimus (a): fiebat enim media nocte, quae *novationi ἀνέσσω* praeibat, quo tempore et Templi fores rese-  
rabantur. *Commotio* itaque sacrorum hoc dif-  
fert a *gestatione*; quod illa intra templi am-  
bitum continebatur, haec per vias publicas  
excurrerat. Atque ad hanc *sacrorum commo-  
tionem* spectasse, reor, *Ancilium*, *hastaeque  
Martialis quassationem* illam, quae per eum  
fiebat, cui exercitus cura cum imperio com-  
mittebatur in sacrario Martis, addita preca-  
tione: *Mars, vigila*.

### §. III.

*Sacrorum Pompeianorum series interrupta per  
annos novemdecim. Fragmenta afferuntur  
temporis incerti, quae tamen ad sacra re-  
ferenda.*

Hiatus hic se aperit per annos novem-  
decim. Nec desperandum, quin temporis be-



(a) *Metamorph. L. II.*

neficio , novisque effossionibus sit aliquando  
vel ex parte implendus. Fragmenta idcirco  
quaedam hac una de causa heic reiicienda ,  
censui , quibus fortasse lux aliqua deinceps ,  
novis repertis , erit accessura.

## I.

PHILAI. .

. . . . .

. . . . .

His fortasse *Philander*

## 2.

C. COI . . . . .

Q. LOLLIus

FELicio.

## 3.

. . . .  
 A. . . SA .  
 . iVSSV .  
 . .ASS. I .  
 CAE  
 . . . .

## 4.

. . . . .  
 HOLCon . . . .  
 MINIS*tri* . . . .  
 . . TRO . . . . .  
 . . . . .

*Holconius* iste , qui inter *Ministros* cietur,  
*Holconiorum* Servus videtur , aut Libertus.  
*Holconii* Pompeiani plures. Alii *Celeres* , alii  
*Macri* , *Cellii* alii , alii *Anterotes* , ( sed  
 hi Liberti sine cunctatione ); alii demum *Ru-*  
*fi* , qui omnium splendidissimi. De quin-  
 quiplicato M. Holconii Rufi Duumviratu com-  
 memoratum est supra , et facile ad huius tem-  
 pora fragmentum referendum.

5.

. . . . .

. . . . .

EX. D. D. IVSSV

. . . . LI. A. AV..

. . , . . .

6.

N. POPIDIVS. *Moschus*CLARVS. CAEC*ili*

. . . . .

. . . . .

. . . . .

7.

COMMODVS. STRON

MENOPHIL. ANCARS

FELIX. HELVI.

*Plac*IDVS. ARRI

SACR

. . . . .



. . . . .

. . . . .

*Stronia* gens hactenus inaudita, nisi forte et nomen servi extiterit *Helvii*.

8.

L. CEIVS. DORIP<sup>h</sup>orus

CN. ALLEIVS M. .

ALEXANDer

. . . MI. .

Merc. *Maiae*. . . . .

. . . . .

. . . . .

9.

N. POPIDIVS. AMPL<sup>i</sup>atus

L. CAECILIVS. CER. . . .

SVAVIS. OPPI. OPTat

*Comm*ODVS. *Stron*. T.

. . . . .

. . . . .

. . . . .

Ni fallor , ecce tibi iterum *Commodus Stronii* , qui *Tibicen* , aut *Tubicen sacrorum* fuisse videtur. *Numerium* autem *Popidium Ampliatum* illum agnosce , de quo ad basim statuae marmoreae Pompeianae , *Bacchum* referentis hircina pelle indutum, tigri ad pedes accubante , sic

N. POPIDIUS. AMPLIATIVS

PATER. P. S

Praeter *Popidios Moschos* , atque *Ampliatos* , quos libertini generis dixerim , fuisse Pompeiis *Popidii* et *Rufi* , et *Celsini* , quos *ingenuos* agnosco. De N. Popidio Celsino plura in Commentario nostro VIII.

10.

TERTIVS

EPAPHRA

HABER

CITVS

ISTACIDIAE. L. F. MIN. AVG

EX. D. D

TI. . . .

. . . . .

. . . . .

En unius Istacidiae , L. F. *servi* quatuor , *Ministri* omnes *Augusti*. *Haber* , nomen servile , ecquando auditum? Nolo , te *Istacidia* illa Pompeiana fugiat , N. filia , et Sacerdos publica :

ISTACIDIA. N. F  
RVFILLA. SACERDOS  
PVBLICA

De chronologicis lacunis tandem emergere datum , fortasse haud omnino improspere , nec sine emolumento aliquo. Excipit nunc nos annus V. C. 776. Aerae vulg. tertius supra vicesimum.

INVENTVS. DENTAT. DAP.  
 FELIX. MELISSAEI. FAVSTI  
 NYMPHODOTVS. HELVI  
 SPERATVS. CAESIAEMVS  
 MIN. AVG. D. D. IVSSV'  
 M. HOLCONI CELLI. L. AELIVBER. D. V I. D  
 C. VERGILI. SALINATORIS. CN. LVCRETI  
 DECENTIS. VA . S. P. P  
 V. C. 776. C. ASINIO. C. ANTISTIO. COS. A. V. 23.

Notandus apicum usus superne signatorum ad voces *Iussu*, et *Salinatoris*. Ministrorum agmen omnium densissimum, quae hactenus incurrimus. Nam septem numero prodeunt, quos inter *Speratus*, et *Caesiaemus*, qui facile *Servi publici*, quod nullum cient dominum. At *Caesiaemi* vox prorsus hybrida. Coniuncta videtur e latinorum *caeso*, et graeco *αἷμα*, *sanguis*. Dividam potius in duo: *Caesi*, unde *Speratus*, *Caesi* servus, et *Aemus* forte *Servus publicus*. C. Vergilius Salinator, et Cn. Lucretius Decens, non *Viri* appellantur, sed tantum V. A. S. P. P.

Privatos homines aestimato , extra ordinem *voctis publice procurandis* accitos. Nam Aediles eos velle , cum de illorum Aedilitate sileat lapis , somniare est. Qui Aediles fuere , hos tales nuncupatos posthac videbis. Aediles igitur non habendi , qui tales non appellantur. Veteres , in publicis praecipue monumentis , quae perennare volebant, *proprie , atque signate locuti sunt ita , ut decuit* , ut Gellii verbis utamur (a). Pro annis 777. et 778. nihil obvium se dat. Probabile est , in horum alterutro primum obtigisse M. Melsonio *īīviratum* . qui *īīvir iterum* procedet ad an. 780. Nam pro anno 779. alia nobis sistitur biga Duumviralis , quam videre est in Marmore sequenti , capite licet multato , unde modico detrimento Ministrorum dumtaxat nomina desideres , cum caetera suppetant abunde :

---

(a) Noct. Attic. Lib. II. Cap. VI.

. . . . .

. . . . .

. . . . .

*Sacrum. ex. D. D*

IVSSV

M. ALLEI. LVCCI. LIBEL.

M. STLABORI. FRONTON

VIR. I. D. QVINQ

Q. POMPEI. MACVLAE

M, FVLVINI. SILVAni

V. C. 779. D. V. A. S. P. P. A. V. 26.

C. CALVISIO. CN. *Lentulo.*

COS

In fragmento 7. v. 2. offendimus CN. ALLEIVM. L. . . quem *Luccium*, vel *Libellam* e titulo hoc restituendum opinor, *Alleorum Libertum. Stlaborii*, cui *Frontonis* cognomen, *nomen* inauditum. Vir sine dubio Pompeiorum insignis, cui quinquuplicari Duoviratum I. D. contigit. Tertius, et quartus Duumviratus, ut coniiicio, illi obvenere ad annos 777. et 778. At duo alii priores an-

tecedant omnino , necesse est , annum 776 ; quo D. V. I. D. processere M. Holconius Cellius , et L. Aelius Tubero. Pro Duumviralibus ergo Pompeiorum Fastis detrahe bien-  
nium de hiatu annorum novemdecim, de quo questi nuper sumus. De *M. M. Alleis* , Pa-  
tre , et Filio, non abs re fuerit , hic referre  
titulum, quo defunctos prosequitur *Alleia*, una  
uxor , et mater , eademque *Cereris Sacerdos*  
*publica* :

M. ALLEIO. LVCCIO. LIBELLAE. PATRI. AEDILI  
II. VIR. PRAEFECTO. QVINQ. ET. M. ALLEIO  
LIBELLAE. F. DECVRIONI  
VIXIT. ANNIS. XVII. LOCVS. MONVMENTI  
PVBLICE. DATVS. EST. ALLEIA. M. F. DECIMILLA  
PVBLICA. SACERDOS  
CERERIS. FACIVNDVM. CVRAVIT  
VIRO. ET. FILIO

Ubi notandum *Alleium* , Filium *Decu-  
rionem* annorum XVII. , quae sane aetas mi-  
nime legitima. Ergo nisi *munus* hoc privilegio

ei contigerit , de *adlecto inter Decuriones* cogitandum erit.

13.

. . . . .

. . . . .

*Min. AVG*

*D. D. IVSSV*

. . . . I. II. VIR. I. D

. . . *Silva*NI. D. V. V. A. S. P. P

V. C. 779. *M. SANQVINIO*.COS. A. V. 26.

Desunt nomina IIvirum I. D. cum nomini-  
bus D. V. V. A. S. Lipsius biennio post consi-  
gnat annum consulatus primi Sanquinii Maximi.  
Rectius fortasse primus Sanquinii consulatus ,  
isque suffectus , retro trahendus ad an. 779.  
Quod si recte factum , NI. lineae antepenul-  
timae reddendum erit *Silvani*, qui cum Pom-  
peio Macula IIvir alter processit V. A. S.  
Quo in casu fragmentum hoc aliquantis per  
nuperius censendum , prae allato in n. 12.  
quod exhibet Consules ordinarios C. Calvi-



sium, et Cn. Lentulum. Favet opinioni huic fragmentum aliud an. 782; loco suo producendum, quo ad annum quoque proxime insequentem de Consulatu deiicitur Sanguinius, ut recte a Norisio fuerat contra Fastographos communes constitutum (a). Consule infra n. 16.

14.

M SITTIVS. M. L

SERAPA

MERC. MAIAE

SACRVM. EX. D. D

IVSSV

P. ROGI. P. F. VARI

M. MELSONI. M. F. ITER

D. V. I. D

N. PACCI. N. F. *Chi*LONIS

D. V. V. A. S. P. P.

V. C. 780 M. CRASSO. CS. LENTVLO A. V. 27

COS

---

(a) Ep. Consul. p. 402.

In sigillo aeneo Pompeiano est : M. PACI. quem ne dubites *Pacciae* , gentis Pompeianae , subolem fuisse. Pro Fastorum Consularium emolumento longe utilius , quod sequitur. M. Licinio Crasso Collega in Fastis assignatur L. Calpurnius Piso ad an. 780. Ergo hoc eodem anno Pisoni *suffectus* Cn. Cornelius Lentulus Getulicus , qui anno prioris Consul ordinarius processerat cum C. Calvisio Sabino. Atqui de Consulatu hoc altero *suffecto* Cn. Lentuli apud Fastographos nec vola , nec vestigium.

*Sacrum Mercurio* , et *Maiae* factum , idque non pro hac vice tantum Pompeis , ubi templum iis dicatum fuisse , nihil est , quod dubites. Quin eius demum vestigia detecta Pompeis nuper fuisse , accepimus. *Mercurii via* , quam vocant , omnium nobilissima Pompeis. Atque ecce tibi marmor aliud item Pompeianum anni eiusdem tam huic simile , ut non ovum ovo similius. Nec in uno hoc exemplo palum figemus. Occurrent et alia deinceps. Ex quo illud commodi quantitatis pretii : ut si quid uni desit , suppleri ex alio tuto , facillimeque possit. Sed unde

id factum , quave de causa , ut tituli iidem fuerint olim geminati in re sacra Pompeiorum , id vero non parum facessit negotii. Vero propiora , si non certa , daturos confidimus. Lapis eiusmodi est :

15.

M. SITTIVS. M. L

PAPIA

*m*ERC. MAIAE

SACRVM. EX. D. D

IVSSV

M. MELSONI. A. F. ITER

P. ROGI. P. F. VARI

D. V. I. D

M. NINNI. M. F. POLLION

N. PACCI. N. F. CHILONIS

D. V. V. A. S. P. P.

V.C. 780. *M. Cras*SO. CN LENTVLO A. V. 29.

COS

Etsi titulus hic in eundem annum incidit cum eo , qui ante productus est , fere tamen certus sum , tempore paullisper hunc illi praecire.

Id ex eo coniicio , quod Melsonius II. V. iterum primum locum tenet. Cum enim dignitate P. Rogio antecellat ob alterum Duumviratum , aequum erat , primum rei publicae munera capessere. P. Rogius ex adverso praeit Melsonio in marmore antecedente , quod idem factum in *Π*viris votorum procuratoribus τῆς unius *οἰκονομίας* *εὐεχῆ* , ut alibi observatum. Quid nunc modico inter se discrimine in eodem sacro Mercurio, Maiacque marmor , et hoc publicum , duplicatum ? nam si unum M. Sittium Papiam excipias , qui in priore est M. Sittius Serapa, uterque Sittiorum Libertus , caetera eodem tenore decurrunt.

Filium ex nota consulari ducendum , puto. Quae cum eundem annum designet, profecto de *Votis* , quae *stata* , atque *ordinaria* appellantur , minime cogitandum. Haec enim certo ordine *nuncupata* , sive *suscepta* anno priore , *solvenda* erant anno insequente , adeoque diversis et Consulibus , et D. V. tum *iure dicundo* , tum V. A. S. procurandis. Si ad *imperativa* , quae dicuntur , *indictivaque* extra ordinem te recipias , nodus

omnis non secabitur, sed penitus solvetur. Verum, inquires, ecquid ad haec tabula duplex? Primam tene pro *nuncupatione*, alteram pro *solutione* votorum ante susceptorum. Est et fragmentum aliud, forte ad idem tempus referendum, nŕ coniectura fallit a *Sittiis* deducta. Quamobrem, si placet, sic restituas:

16.

. . . . .

. . . . .

. . IO. SITTI. M. S

. . . S. SORN. T. S

. A. VOLVSI. T. S

*Minis*TRI. MERC. MAIAE

SACR. IVSSV

*M. Melsoni. M. F. iter**P. Rogi. P. F. Vari**D. V. J. D,**M. Ninni. M. F. Pollionis**N. Pacci. N. F. Chilonis*

D. V. V. A. S. P. P

V. C. 780. *M. Crasso. Cn Lentulo*

A. V. 27.

*Cos*

Sed hae coniecturae merae. Siglae M. S. et T. S., ne insalutatas dimittamus, moment. Primas ergo, nempe M. S. habe pro *Molario*, aut *Monaulo sacrorum*. T. S. cum bis occurrant, aut utrobique accipe pro *Tibicine sacrorum*, aut semel pro *Tibicine*, semel pro *Tubicine sacrorum*. Forte in alterutra *Turarius*, in quam rem Ovid. (a):

*Da mihi tura, puer, pingues facientia  
flamas.*

Pro Tibicine *ὀλογραμματα* apud Reinesium (b), et Fabrettium (c). Nec porro iniucundum heic a Fabrettio in loc. cit. afferre epigramma productum, iisdemque notis insigne.

---

(a) Trist. V 12.

(b) Pag. 363.

(c) Pag. 607. n. 59.

MINERVAE. DO  
 FVLLONES  
 MAGISTRI. QVINQVEN  
 CVRAVERE  
 L. EVVLI. C. L. STATIVS  
 P. OPPI. L. L. PILONICVS  
 L. MAGNI. L. L. ALAVCVS  
 PAMPILVS. TVRPILI. T. S

Quid hic *Pampilus*, Servus Turpilii, cum  
 Magistris Fullonum Quinquennalibus? *Tibi-*  
*cinis* equidem ministerio functus in *dono*,  
 quod hi artium Deae, Minervae, curavere.  
 Pompeianam post haec repetamus provinciam.

17.

. . . . .

. . . . .

. . . . .

. . . . .

. . . . .

D. V. V. A. S. P. P.

V. C. 782. A. PLAVTIO. *Aspren. Cēs* A. V. 29.

Litera quippe A superstes post vocem *Plautio* clamat pro *Asprenate Nonio*, quem Plautio dat Collegam hoc anno Norisius (a). Delenda igitur, ut vulgo in Fastis, nomina Consulum Suffectorum, Q. Pomponii Secundi, et M. Sanquinii Maximi, horumque loco substituendi A. Plautius, et L. Nonius Asprenas.

18.

PHILIPPVS. MELISSAEI  
FAVSTI  
IANVARIVS. PIRICATI  
QVARTIONIS  
IVCVNDVS. HOLCONI  
ANTEROTIS  
AVCTVS. HELVI  
NYMPHODOTI  
MINISTRI. AVG  
IVSSV  
M. LVCRETI. MANLIANI. L. ALBIENI

---



STAI. D. V. I. D.

L. EVMACHI. FVSCI. N. HERENNI. VE-

RI. D. V

V. A. S. P. P

CN. DOMITIO. CAMILLO. ARRVNO

V. C. 785.

A. V. 32.

COS

In fronte cippi marmorei sane elegantissimi, quem fere non dubitamus, basis loco fuisse olim statuae cuidam Tiberio a Pompeianis positae, de qua infra. Hic primum videre licuit siglas illas Pompeiorum proprias, quae tantas in nos excitavere procellas, quibus sine numinis auxilio praesentissimo obruti sine dubio tandem fuisset. Singula nunc perstringamus. N. Herennius Verus, unus e Duoviris V. A. S. procurandis. Huius filium arbitror Herennium illum Verum, qui Aedilitia Pompeis pollebat dignitate an. V. C. 786. ut ex alio parietino Pompeiano epigrammate mox proferendo.

Viri an. 787. aer. vulg. 34. fuere M. Vesonius Marcellus, et Epidius Flaccus, Praef. Caesaris.

## SVELLIVM. CVM. EPIDIO

IIIVIR. I. D. O. V. F. DIG. SVNT

V. C. 788. HERENNIVM. FI VERVM A. V. 35.

AED

Nam primus hic tangitur Epidii Duumviratus , cui et quintus contigit ad annum 791., ut loco suo narrabitur. Anno vero 787. Epidius non IIvir , sed Praefectus dicitur I. D. , quae dignitas pro Duoviratu altero ei cessit. Ergo primum Epidii Duumviratum , nisi ad annos 782. vel 783. vel 784. referre velis . de quibus nihil certum pro Pompeianis IIviris hactenus habetur , ad annum 786. reiicere, aequum est. Pompeis siquidem fere usitatum , sine interruptione iterare Magistratus. Sed longe probabilius , Epidium processisse primo Praef. I. D: deinde anno insequente IIvirum I. D. Praefectum autem egit an. 787. Primus itaque illi Duoviratus assignandus videtur ad an. 788. Post haec ad se vocat biga Consularis longe gravioris momenti.

Lipsium quondam notaveram , quasi qui *Camilli* cognomine deceptus, *Furiis* accensuerit *Arruntium* et dixerit *Furium*. Prorsus iniuria. Absolvendus Lipsius : nam Tacito non semel Camillus hic est *Furius*. Quid igitur? ipsi nos , imprudentiamque nostram damnamus. Et *Arruntio Camilli* cognomen adscitum a *Furiis* , et non quatuor , sed quinque illi nomina tribuenda : *M. Furius. Arruntius. Camillus. Scribonianus*. Primo itaque *Aruns* quipiam a *Furiis* adoptatus, unde *Furius Arruntius*. Deinde *Scribonius* ab *Arruntio* adoptatus , unde appellatus *M. Furius. Arruntius. Camillus. Scribonianus*.

Ex Arruntiis celebratissimus Tiberiana tempestate L. Arruntius , vir sapientissimus , qui in Albucillae causa impietatis in Principem accusatus , ultro sibi venas abscidit. Si Cassiodorio fides, Cn. Domitio , et Arruntio Cos. Dominus noster Jesus Christus passus est VIII. Kal. Aprilis, et defectio Solis facta est, qualis ante, vel postmodum numquam fuit. At Cassiodorio acriter occurrit Henricus a S. Clemente , factumque retro trahit ad triennium sub Geminorum consulatu. Pagius

Camillum facit *Ordinarium*: Fasti communes Suffectum ex Kal. Juliis.

*Domitiorum* nubes consularis longe densior, omniumque nobilissima. Qui *Cnei* tantum praenomine notantur ab V. C. 421. ad usque 732., novem in Fastis conspiciuntur, quorum hic noster agmen claudit. Qui de *Ahenobarborum* gente satus, Agrippinam duxit uxorem, Germanici filiam, quae post Claudio nupsit. Domitium idcirco Tacitus (a) inter Tiberii progeneros primo loco recenset. Consularis, sexennio fere post, Macro- nis insidiis delatus ad Tiberium cum Albu- cilla, dum haec irritum ictum mortem sibi intentat, ille defensionem meditans, an simulans, vitam produxit, Tiberii morte mox subsequuta.

Ad cippum quod attinet cum statua, titulo addito, minime poenitet, coniecisse olim, haec Tiberio a Pompeianis posita, detecta, oppressaque iam Seiani coniuratione. Cui coniecturae favent mirifice temporum in-



(a) Annal. Lib. VI.

itae rationes. Seiani quippe casum refert Baronius ad an. aerae nostrae tricesimum primum, eundemque Tiberii principatus septimum ultra decimum. Hoc anno de Consu-  
latu decesserat cum Tiberio Seianus ad diem X. Maii. hisque suffecti 1. *Faustus Cornelius Sulla* cum *Sextidio Catullino* 2. *Falcinius Trio*, et *Memmius Regulus*, qui reliquum anni fere implerunt. Consules nunc cippi Pompeiani opportune prodeunt anno Tiberii decimo octavo, adeoque paucis post mensibus abeunt a nece Seiani. Facile igitur sub his Consulibus Pompeiani, quorum nec segnia in Tiberii assentationem erant studia, et religio in Augustum intentissima, cui favebat impense Tiberius, in tantae rei celebritatem haec omnia ei constituerunt, quo aut gratiam ab ipso inirent maiorem, vel invidiam certe a se depellerent. Praeter observata hactenus ad marmor recitatum, et hoc insuper lucri ex eodem accedit, ut illius ope fragmento huic alteri Pompeiano eiusdem anni suppetias opportune feramus.

. . . ARRIVS

*HerENNIVS*. *Alexa*NDER

. . . VITALIS

*NumISIVS. FELICio. Minist. Aug.**L. Staio. M. LVCRETIO. Manlian. D. V. I. D*  
*V. C. 785. IVSSV A. V. 32.**N. HerennI. VERI. L. EVMACHI. Fusci*  
*D. V. V. A. S. P. P*


---

§. V.

*Reliqua ab anno 787. ad usque 791. Sigla-*  
*rum fatum extremum.*

Ad integrum biennium *Sacra Pompeiana*  
nos deserunt. Nec exemplorum generis huius  
ferax an. 787. , De naufragio vix duo enatant.  
Duumviralibus tamen Fastis ab hoc anno ad  
791. parum detrimenti. Continuantur enim

Epidii Flacci quinquiplicato Duumviratu, ut  
supra memoratum est.

## I.

PHRONIMVS. MESSI. FAVS†  
PLACIDVS. VET. FRONTONIS

A. ARELLIVS. GRAECVS  
MIN. AVG. EX. D. D. IVSSV

. . . . . M. VESONI. MARCELLI . . .

## II. VIR. I. D

M. LVCRETI. EPIDI. FLACCI

PRAEFECTI

L. ALBVCI. D. LVCRETI. II. VIR. V. A. S. P. P  
V.C 787. PAVLLO. FABIO. L. VITELLIO A. V. 34.

COS

De industria abrasa in marmore nomina  
prioris D. V. I. D. , quem Tiberiano ful-  
mine aliquo attactum suspicor , deque Duo-  
virali dignitate deturbatum. Anne hic Seia-  
ni amicitia Tiberio suspectus ? verum eequid  
non Tiberio suspectum ? Certe Duumviro huic  
subrogati M. Lucretius , et Epidius Flaccus,  
sed *Praefecti* , non D. V. nomine condeco-  
ratus. Hos eosdem in marmore sequenti vi-

deas sub iisdem Consulibus appellatos *Praefectos Caesaris*. Ex quo coniecturam sumo, de *sacris indictivis*, non *annuis*, in utroque agi. Quibus positis, sic fragmentum restituo:

## 2.

*Phronimus. Messi. Fausti*

*Placidus. Vetii. Frontonis*

*M. Arellius Graecus*

*Min. Aug. Ex. D. D. Jussu*

*M. Vesonii. Marcelli. D. V. J. D*

*M. LVCRETI. Epidi. Flacci. Praef.*

C. CAESARIS

L. ALBVCI. CELSI. D. LVCRETI. VALENTIS

II VIR. V. A. S. P. P

V. C. 787. PAVLLO. L. VITELLIO. COS A. V. 34.

Loco alterius Duumviri, continuata Pompeis *Praefectura* ad annum usque 791. ut aperte colligi datur ex titulo mox producendo. Quamobrem recte supra insinuatam, fastos Pompeiorum IIvires ab anno 787. ad 791. continuatos per unum D. V. I. D. Epidium Flaccum. Fragmentum tibi obiicio :



. . . ADEPTVS

*Numi*SIVS. FELICIO

M. EPIDIO. FLACCO. D. V. I. D.

V.C.791.

A.V.38.

QVINQ. M. HOLCONIO. MACRO

PRAEF. I. D. L. LICINIO. C. ADIO

VIR. V. A. S. P. PROC

Ex dictione postrema *Proc.* primum colligere certo datum, singulariam P. ultimo loco positam, ad *procuratoriam* familiam esse referendam. T<sup>o</sup> QVINQ. pro *Quinquiens* accipio, ut de M. Holconio Rufo, nec est, ut de *Quinquennali* cogites. Nec numerus iste quinquarius de Praefectura M. Epidii Flacci videtur intelligendus, quem conceptis verbis ante D. V. I. D. salutatum vidimus ad an. 788. Idcirco ad vocem *Flacco* tertiae lineae subintellige: D. V. I. D. Cum enim talis extiterit an. 788., rectius dixeris, servatum talem Pompeiorum confirmatione, aut Caesaris arbitrio, quam *Praefectis* additum I. D.

*Hic finis Priami fatorum.*

Nempe citra annum aerae nostrae tricesimum octavum , Pompeianae nostrae siglae D. V. V. A. S. P. P. nullae obviabunt amplius , Tiberii huc usque tutae patrocinio. At Tiberius , inquires , iam obierat ad diem XVI. Martii anni aerae nostrae septimi supra tricesimum. Ut quid ergo recurrunt ad annum tricesimum octavum ? At nondum , aio , innotuerat intervallo tam modico Caligulae levissimum iuxta , ac deterrimum ingenium. Quin ipso principatus initio spem fecerat cunctis , ut cum optimis Principibus contenderetur. Quae igitur Pompeiana monumenta erimus deinceps prolaturi siglis iisdem insignita , etsi incertae aetatis , intra Augustaea nihilominus , Tiberianaque tempora , vel fere , concludi , pro certo habeas. C. ADIO. Fortasse hoc monemur , ut Taciti (a) *Cadium Rufum* distrahamus in C. *Adium Rufum*.

---

(a) Annal. Lib. XII.

P. PAQVIVM. PROCVLVM. II. VIR. VIR. R

A: VETIVM. Firmvm. FELICEM. II. VIR. VIR. B. D. R. P. OVF. DIGNI. SVNT

C. MARIVM. . . . M. EPIDIVM. AEDILES. V. A. S. P. P. OVF. DIGNI. SVNT

S . . . . VSIT. . OSSIVS. DE. ALBATORE. ONESIMO

itulus parietinus recens detectus. Lege sic :

P. Paquium. Proculum. II. vir. virum. bonum

A. Vetium. Firmum. Felicem. II<sup>vir</sup>. vir. bon. Dign. Reip. Orunt. ut. faveat. D. S.

C. Marium. . . . M. Epidium. Aediles. V. A. S. P. P. OR. VT. FAV. digni sunt  
Scribi. iussit. Cossius. Dealbatore. Onesimo.

Ecce tibi *M. Epidius*, de quo paullo ante. At hic Aedilis, qui *II*vir primo I. D. processit anno 788. Ergo ante annum hunc profecto Aedilitate functus est Epidius. Initiales ergo nostrae adhuc Tiberiana intra tempora continentur. Probabile mihi sit, Aedilitatem contigisse *M. Epidio* cum *C. Mario* an. 786., et ad hunc eundem annum ex consequenti referendos esse *II*viros I. D. P. *Paquium Proculum*, et *A. Vettium Firmum Felicem*. Quod si placeat, *II*viralem hiatum anni huius impleveris. At superest quoque hiatus an. 783. et 784., quorum alterutrum, si mavis, biga hac Duumvirali expleto. De hoc *Paquii* cum *A. Vetio*, quem et *Vettium* quoque audias, *II*viratu sic parietinum aliud epigramma :

**P. PAQVIVM. ET. AVETTIVM. D. V. I. D. O. V. F**

Et aliud item de uno *Paquio* :

**PAQVIVM. D. V. I. D**

**VENERI. ROG. WF**

qui nexus mihi esse videtur, *ut votis faveat.*

*Jusit* pro *iussit* ἀρχαῖως dictum. *Mutilum*. . *OSSIUS* reddi poterat *Blossius*, *Tossius*, *Fossius*, aliudve tale. Sed gens *Cossia* notior Pompeis, ut e Pompeianis sigillis accepimus.

De *A. Vettio Firmo Aedili* sic loquitur parietinus titulus :

VETTIVM. FIRMVM

ÆD. O. V. F. D. R. P

Qui titulus tempore praebeat, necesse est, iis, qui *A. Vettium* praedicant *D. V. I. D.* Et quando de nuperis Pompeiorum effossionibus incidit sermo, non ingratum lectori fuerit, haec auctarii loco habere :

ROMANVM. AED

RUFVM

Sed cave, Pompeiorum Aedilem cogites. Romanum sine dubio Aedilem Rufum, qui aliqua de causa Pompeios diverterat, Pompeiani ita salutant. An hic *C. ille A. dius Ru-*

*fus* , de quo Tacitus (a) : *Damnatus et lege repetundarum C. Adius Rufus , accusantibus Bithynis ?* sed non vacat velificari coniecturis , nam et Claudio imperante , claruit etiam *Rufus Crispinus , Praef. Coh.* De eodem iterum :

RVFVM  
DIGN. REIP

At Aedilis sine dubitatione Pompeianus, quem  
cient hi duo alii tituli :

M. CERRINIVM. VATIAM  
AED. DIGNVM. REIP. TYRRANVS. CVPIENS  
FECIT. CVM. SODALES

A soloecismis itaque numquam abhorruit popellus. *Tyrranus* mihi est *Turranius*.

M. CERRINIVM. VATIAM. AED  
O. V. FAV  
FABIVS. EVPOR. ROG

---

(a) Annal. Lib. XII.

Per diverticula satis. Modo in viam.

5.

Q. TVLLIVS. Q. F

M. CINNIVS. M. F

D. V. I D

C. MAMMIVS. L. F. C. NAEVIVS. M. F

D. V. V. A. S. P. P

CONSTAT. HS. DCLXXS

5.

M. CINNIVS

Q. TVLLIVS

D. V. I. D

C. NAEVIVS. M. F. C. MAMMIUS. L. F

D. V. V. A. S. P. P. EX. D. D

ConSTAT. HS. DCL

Germani hi tituli duo inscripti in duplici tabella marmorea, utraque aequali, quarum neutra excedit palmum quadratum. Discrimen unum in Decreto Decurionum, quo se tuetur posterior haec, caret illa prior. De

opere publico agitur in utraque, quorum hoc constitit HS. 650. , illud HS. 670. cum semisse. Sed qualia haec opera publica, quis nunc harioletur? Quo tempore Pompeis D. V. I. D. cum M. Cinnio processerit Q. Tullius, etiam incertum. Lucis nonnihil ex altero Ilviro, votorum procuratore, C. Mammio, L. Filio. Nam de Lucio Mammio, cui *Maximo* cognomentum, haec extant Pompeiana elogia.

DIVAE. AVGVSTAE

L. MAMMIVS. MAXIMVS. P. S

Itemque hoc aliud plenius.

GERMANICO. CAESARI. TI. F. DIVI. AVGVSTI. N

DIVI. IVLI. PRO. NEPOTI. AVGVRI. FLAMINI AVGVSTALI. COS. II. IMP. II.

L. MAMMIVS. MAXIMVS. P. S

At Germanici consulatus alter ad an. V. C. 771. aerae nostrae 18. refertur. C. ita-



que Mammius, Lucii huius filius, post annum 771. ornatus videtur Duumviratu V. A. S. P. P. Atqui ab anno 771. ad mortem usque Tiberii novemdecim anni decurrunt, quod intervallum satis pro aetate C. Mammii, ut Aedilitati capessendae par haberetur. Siglae igitur Pompeianae hactenus Tiberii tempora minime excessisse videntur. De Procuratore altero votorum, C. Naevio, paucula haec. Hic videtur M. illius Naevii filius fuisse, quem inter *Ministros Fortunae Augusti* recenset fragmentum aliud hoc.

## 6.

M. NAEVI

. . . NAEVI

. . . NISTR. *Fortun* Aug.

. . D. D

. . . . .

. . . . .

Aedilem nunc alterum excipe ex parietino epigrammate. quinario siglarum numero conspicuum.

## A. SVELLIVM. VERVM. AED.

. V. A. S. P. P. D. R. PROBVM, OV. F.

Eccur quinario , non septenario hic incedit initialium numero insignis ? eccur priores duae , ut in parietino alio titulo superius allato, omissae ? casu id dices factum ? apage ! nam et iteratum habes exemplum , quod de industria , non fortuito , factum evincit. Quamnam discriminis huius causam afferas ? nisi Procuratores hosce votorum, numero tam paucos , *extra ordinem* ad id muneris accitos velis , quo te praeterea vertas , non video. Illud certe extra dubitationem omnem certissimum , *Ordinarios* votorum huiusmodi *Procuratores* habendos , qui septenario siglarum apparatu se dant conspicuos. Hinc, nisi oppido fallor . lux affulget . qua nubecula dispellitur n. 3. §. V. Pro *Vot. Aug. s.* duo ibi cientur. L. nempe *Licinius*, et *C. Adius*, sed VIR. dicti, non *IIviri*. At si ambo *ordinarii* , cur non *IIviri* ? si *extra ordinem* ambo , cur , ut in caeteris , non dicti V. A.

S. P. P.? Ut insinuaretur, puto, priorem L. *Licinium* iure ordinario, posteriorem penitus *extra ordinem* vota Augusti procurasse. Profecto neque *II viros*; neque *II vir*. neque *III viros*, sint licet ordinis cuiuscumque, nuncupatos inveneris, nisi quibus iure ordinario munus, quo fungebantur, esset impositum: qui *extra ordinem* ius dicebant, hi non D. V., sed *Praef. I. D.* dicebantur.

Nec pigeat demum observare, si vera aut veri multo similia sint, quae de initialium pompeianarum potestate disputata hactenus sunt, viam fortasse patere ad initiales illas explicandas, quae in Marmore quodam Nolano tantum olim, nec sine causa, negotii facessiere Bimardio. Marmor sic se habet.

C. IVNIVS. M. F

IIIVIR. A. V. D. I. IIIVIR. NOLAE.

IIIVIR. QUINQVENNAL

AR. DE. SVO. FACIVND

Lineam secundam redde sic: IIIVIR. A. VOTIS. DEAE. ISIDIS. cui aram de suo faciendam curavit.

Ad. an. V. C. 798. Aer. vulg. 45. Duum-  
viri I. D. occurrent Q. Postumius Modestus,  
et C. Vibius Secundus. Et pro anno de-  
mum 814. aer. vulg. 61. L. Julius Ponti-  
cus, et P. Gavius Pastor.

## §. VI.

*Nova initialium nostrarum abs erudito viro  
proposita interpretatio expenditur.*

Vix manum, ut aiunt, de tabula, cum  
ecce vir longe eruditus, eiurata, quam ante  
in his professus fuerat, docta, nescio quam,  
ignorantia, tandem ex augurato rem omnem  
expediendam capessit. Optume factum. Sed  
nostram ecquid in eodem negotio operam col-  
locatam, dum nostris ille proficit, tam fa-  
stidiose arguit?

Meminisse eum oportuerat, cum siglas  
nostras primitus audisset, ab se ad spuria  
statim amandas; legitimas deinde agnoscere  
coactum, nihil de iisdem hiscere ausum fuisse.  
Quaenam ea temeritatis, immo et τῆς μανίας

nota , qua nos tam benigne muneratur ? Et fuerit haec quidem sive temeritas , sive *μᾶνις* , quandoquidem suos quisque patimur manes. Sed in fundo tamen , in quem etsi iuris publici , ipsi et primi et uni viam , vel semitam aperueramus , sine ullius noxa , iniuriave , sine ambitu , aut spe ineundi gratiam ab iis , quibus utile est placuisse. Adeone porro absurda , levique brachio acta , quae de his attulimus , coniecturas demum , oracula numquam , fundentes ? atqui decimus his pensitandis iam teritur annus. Quotam ille , utiliorum consulens , in iisdem temporis sui partem insumpsit ? verum haec vera quamvis , aliena tamen , fortean puerilia ? Nunc , quod instat , agamus.

Ad Aediles itaque Pompeianos , putat vir doctus , siglas nostras iure , uniceque respexisse , qui *annonam* , *aedes* , *ludos* curabant , ut ex Everhardo Othone discere nos monet. Quasi ab hoc ante alios id edocendi fuisset ! Illud magis curandum videbatur , an Everhardi monita quidquam commune cum eo , de quo agitur , habuerint. Ne longum faciamus , sic ille initiales pompeianas interpretatur :

D. V. V. A. S. P. P.

*Duum. Viri. Urbi. Annonae. Sollemnibus. Publ. Procur.*

Feliciter. Sunt pauca tamen, de quibus doceat nos ante, necesse est. Post illi *laetum Paeana canamus*, non *Martis*, a quo abhorruimus semper, sed *Apollinis*, quem et coluimus, et colere deinceps est animus.

1. Ecquid illud *IIviri Vrbi*? *Urbem*ne dictam Pompeios, idque in lapidum acervo de *publicorum* censu? atqui *Urbis* nomen *Romae* proprium cum additamento et *sacrae*, et *aeternae*. Et non déerit forte, qui per dolum malum *Urbis* hanc *procuracionem* similem capiat *incesti procuracionibus* illis, de quibus Tacitus (a).

2. Si quarta solitaria A *annona* est, ideoque Aedilium propria, nullane Pompeis *annonae cura* ultra *Augusti*, citraque *Tiberii* tempora? vel nulli Pompeis Aediles, hac utraque tempestate excepta? nam intra tem-

—

(a) *Annal. Lib. XII.*

porum huiusmodi ambitum siglas nostras contineri, marmora universa, parietinaeque inscriptiones omnes clamant. Qua nos ratione permoti praecipue *Augustum* sub initiali illa latitare, coniecimus.

3. Quid τοῖς *sollemnibus* cum quinta initiali S? Est et *insanire sollemnia*. Nam et *Ludi sollemnes*, et *sollemnes Epulae*, et *Nuptiae sollemnes*, et *sollemnia Funera*, et *sollemnia* nunquam incurres, nisi ante insinuata re, cuius sunt *sollemnia*. Sic Tacitus (a): *cuncta nuptiarum sollemnia celebrata*. Sic Virgilius (b):

*Et statuent tumulum, et tumulo sollemnia mittent*

Praemitti igitur oportebat initialem L., si ad *Ludos* referenda ταῖς *sollemina* debuissent.

4. Esto tacitum etiam *Ludorum* nomen, et ad hos trahantur ταῖς *sollemnia*. Quinam autem *Ludi*, qui ab Aedilibus curabantur? *civiles* profecto; nam et Aedilitas magistratus erat *civilis*, non *sacer*. Aedilibus idcirco *ius*

---

(a) Lib. XI.

(b) Aeneid. VI.

erat, *Ludis civilibus* praeesse. Nam *sacrorum*, quales *Ludi saeculares*, curam agebant XVviri *sacris faciundis*. Quid nunc Aedilibus Pompeianis cum *sacris* stricti iuris, ac nominis, qualia omnia et singula, de quibus agitur in titulis nostris? quae nimirum per *Ministros*, sive *Augusti*, sive *Fortunae Augustae*, peragebantur in *Aede Mercurii*, et *Maiiae*, vel *Fortunae Augustae*. Anne in Templis celebrati usquam Ludi, sive *sacri*, sive *civiles*? Ad haec: Ludine hi quicumque una Augusti, Tiberiique aetate Pompeis celebrati? Et ne ludis ludificetur ultra noster, noverit, Pompeis pro Ludis non *IIviro*s, sed *VII. viros* fuisse constitutos.

M. OCVLATIVS. M. F. VERVS. VII VIR. PRO LVDIS

Quibus mature perpensis, initialem S. numero quintam, ad tertiam singularem V. retulimus, ut inde haberentur *Vota suscepta*. Possunt enim esse *vota*, etsi non *soluta*. Sed nisi *suscepta*, vel *nuncupata*. ne concipi quidem animo possunt. Quin hoc in casu minime displiceret V. A. S. reddere: *votivis Au-*



*gusto sacris*. Nihil igitur Aedilibus , qua tales , cum *Sacris Pompeiorum*.

5. At Aediles , inquires , semel , atque iterum quinario initialium apparatu insignes prodeunt.

*Resp.* Cur , ego reponam , non septenario ? Ut intelligeretur , aio , non *Aedilitati* id munus *ex officio* attributum , sed omnino *extra ordinem*. Sic , qui *iure ordinario ius dicebant* , hi D. V. I. D. audiebant : qui secus , *Praef. iuri dicundo*. Nisi dicere velis , quod minime absurdum , Aediles hos quo tempore Aedilicia praepollebant dignitate , *iure quoque ordinario* , non *aedilicio* tamen , *procuratori sacrorum* praefuisse. Sic Holconius , de quo supra , D. V. I. D. , idemque Augusti , et *Sacerdotio* , et *Flaminio* insignis. Alioqui , cur , quando in Aediles Pompeianos offendimus , hi siglis nostris haud perpetuo ornati occurrunt ? Non igitur erant hi *iure aedilicio* D. V. V. A S. P. P.

Haec secum reputet vir doctus , quibus refellendis si viam invenerit , gratulabimur. Sed inveniat , an secus , pudor certe illi erit. illacessitum nos iterum in hoc lacesisse. No-

mini ille nostro pepercit. Benigne : etsi sine gratia. Et suo nos ipsius parcimus , ne minores videamur. Utinam cum gratia aliqua !

Sed nostra cum suis hac in causa contendere iterum , neutiquam formidamus. Sic igitur ille :

D. V. V. A. S. P. P.

*Duumviri. Urbi. Annonae. Sollemnibus. publ. proc.*

Nos ex adverso :

*Duumviri. votis. Aug. susceptis. Pomp. Proc.*

De penultima P. parum solliciti sumus , utrum publice , an Pompeian. interpreteris. In idem quippe redit utrumque. Pompeian. potius optabamus , quod initiales nostrae , sine exemplo simili , Pompeiorum ἰδιαιτικαὶ sunt. Paucis , quae ad Procuratores hosce pertinuisse olim videntur , complectamur.

1. Hi duo, ut numero olim Romae vetustissimi *Ἴλviri Sacr. faciund.*

2. *Sacerdotes* sine dubio, quorum tamen Sacerdotium annuum , non perpetuum.

3. *Ministris* ideo longe dignitate an-

tebant, et conditione *ingenui*, numquam *Liberti*, *Servi* multo minus.

4. *Qui iure ordinario* votis procurandis procederent, dicti semper D. V. V. A. S. P. P.

5. Si eorum alter extra ordinem, notabantur sic: *Vir. V. A. S. P. P.* senario nempe, non quinario, multo minus septenariot initialium numero insignes.

6. Si ambo *extra ordinem*, quinario tantum initialium numero ornabantur: V. A. S. P. P.

Qui paullo supra dictus a Mariano de Laurentiis (a), quem fueram sequutus, *VIIvir. pro Ludis, Oculatius*, post apud alios legi *II. Virum*. Marmor ipsum, si modo superest, consulere haud licuit, etsi nulla hactenus praetermissa diligentia. *Duumvirum* tamen praesentio magis. ut saltem praeopto. Verum nihil inde causae nostrae praeiudicii. Quandoquidem *Oculatius IIvir pro Ludis*, non *Aedilis* salutatur, ex quo colligitur, ludorum munus ea tempestate ab *Aedilibus* ad *IIviros* Pompeis translatum. Nihil igitur *Aedilibus* Pompeianis commune cum *Ludis*. Ast ubinam praeterea, vel ecquando, in titulo-

rum formulis recensita munera sive Magistratum , sive Officiorum communia , quae subintelligebantur scilicet , uno audito seu Magistratus , seu Officii nomine ? Sic et *Dictatores* , et *Magistri Equitum* , et *Consules* , et *Praetores* , et *Aediles* , et *Quaestores* , et *Legati* , et qui demum non ? nuncupati sine additamento alio. Nec quidpiam usquam invenies; additum nominibus hisce, nisi quando de communi acceptione transferri ea oporteret ad aliquid peculiare designandum. Hinc quod *Quaestores* a communi aliquando recedebant acceptione , dicti *alimentorum* , et *Quinquenales* dicti *Collegii* , et ne singula persequar , *Aediles* ipsi dicti *iuri dicundo*. Veterum quippe inscriptionum stilus minime cum historico confundendus , quali sine dubio Tullius usus in III. de Legg. 3. , quo noster tantopere, uniceque nititur. Locus sic habet: *Suntque Aediles Curatores Urbis , Annonae , Ludorumque sollemnium*. Sed Tullius hic historico stilo , minime de tituli formula cogitans , legis latorem agit , cuius est , munera cuique sua enucleate praecipere. At laborabat noster videlicet pro quinta initiali S ,

quam sibi videre videbatur *εἰ τοῖς sollempni-*  
*bus*, ludorum inter haec oblitus, quibus in  
 re nostra arduum est illudere. Paucis: titulum  
 vel unum unde unde corrasum afferat cum  
 formula hac *aedilicia*, aut simili, eritque  
*mihi magnus Apollo*. Quamquam ne sic qui-  
 dem causam sibi adiudicatam praesumat pro  
 re praesenti, de qua una agitur.

*Schol. 1. Ad p. 86. v. 16. M. Ocula-*  
*tius Verus*, non VII. *Vir*, sed *Vir pro*  
*Ludis* legendus. Sunt, qui putent, *Ocula-*  
*tium* hunc *pro ludis*, quos pollicitus erat,  
 dedisse *theatri pavementum*, quibus non as-  
 sentior. Nam in rerum promissarum commu-  
 tatione et rei ante promissae, et rei, quae  
 eidem substituitur, mentio fieri solet, ut in  
 tit. 1. pag. 15. Com. VII. videre est. Atqui  
 in titulo nostro nulla *pavimenti* commemora-  
 tio. Rectius igitur *το pro ludis* est *a ludis*,  
*διὰ τῆς τῶν* puta Duoviratus Oculatii. Cum enim  
*Viri* non unius generis sint, sine additamen-  
 to hoc incertum foret, quinam *Vir Pompeiis*  
 extiterit Oculatius.

*Schol. 11. Ad p. 69. v. 19. M. Lucretius*  
*Epidius Flaccus* unus, idemque vir haben-  
 dus nominibus quatuor designatus, idemque  
*Praefectus iuri dicundo*. Cuius, inquires, vi-  
 ces Praefectus iste Pompeis gerebat? Utique  
*C. Caesaris*, ut in titulo sequente n. 19.,  
 qui propterea illi tempore aliquantisper praeis-  
 se censendus est. Patet id ad oculum ex voce  
*τῶν Praefecti*, *ολογραμμῶς* insculptae, quae

gignendi casus est singularis, et ad 70 M. *Lucretii* referenda. *Caïum* porro *Caesarem* intellige *Caligulam*; cui *Duoviratus* I. D. a Pompeianis contigit triennio ante, quam Consulatum suffectum iniisset ex Kal. Julii cum *Ti. Claudio*, an. V. C. 390.

Qua chorda in M. Lucretio Epidio Flacco, eadem et p. 71. oberratum in L. *Licinio C. Adio*, cui uni cum duplici praenomine duplex nomen adhaeret. Hac de causa, non alia, minime *Vir*, sed *απλως Vir* salutatur A. S. P. PROC. Quod et factum vide ad pag. 80. cum *A. Snellio Vero Aedili*, qui, quod unus erat, non *Vir*, sed V. A. S. P. P. dicitur. Uno lucis huius beneficio nubecula dispellitur, quae ad v. 17. caliginem offuderat. Perspectum eruditis, morem hunc nomina, ac praenomina sibi ambitiose coacervandi increbuisse praecipue ad finem inclinante seculo primo Aerae Christianae: nec ignotum tironibus, quot in ambages inextricabiles coniecerit saepiuscule viros doctos η κακοηθεια (1). Deleas igitur, quae n. 5. et 6. paginae nostrae 80. et 89. ad punctum usque versus antepenultimi parum feliciter congesta vides.

Schol. III. In Com. V. p. 170. v. 18. loco 78 seclis abhinc fere MM; lege sic: *annis abhinc fere MM.*

---

(a) Vid. F. A. p. 163. et nct. 89. p. 178.





